

# Cavallu

**Orfanella di stu mare  
T'hanu chjamatu Cavallu.**

E strade di lu mio mondu  
Ti tenenu da cunfina  
Sì à l'orlu di l'infernù  
O principessa turchina  
Nant'à lu to mare malatu  
Oghje u ventu hà cantatu.

**Orfanella di stu mare  
T'anu chjamatu Cavallu.**

Banditu st'incettatore  
Chì scurtichjehja u to visu  
Scalatu da mare in là  
In cerca d'un paradisu  
Ma sulcighjata hè la to rena  
Trà Bunifaziu è Maddalena.

**Orfanella di stu mare  
T'anu chjamatu Cavallu.**

Maladi vogliu a lu strettu  
U marosulu isulanu  
Chì sbatticiulava tantu  
E s'amansa pianu pianu  
Chì ùn bastanu e to ghjasteme  
Pè parà ciò chì omu tene

**Orfanella di stu mare  
T'anu chjamatu Cavallu.**

L'onde ingorde di u terraniu  
Ponu annigà e to brame  
Quì firmerà una voce

À palisa è cundanne  
Nant' à lu to mare malatu  
Oghje u tonu hà cantatu.

*S. Lucciani*

*Petru Guelfucci*